

LEWANEWS

Leselinyana la Lekhotla la Taolo ea Motlakase le Metsi Lesotho

LITOKELO LE
BOIKARABELLO
BA BASEBELISI BA
LITŠEBELETSO KAMOR'A
TŠEBELETSO EA
KHOKELO

page 5

TŠUSUMETSO EA
COVID-19 HOLIMA
LITŠEBELETSO TSA
METSİ METSENG
EA LITEROPO

page 14

LEWA E NKA
LIKHATO
KHAHLANONG
LE COVID-19

page 3

MEKHOA EA
HO BABALLA
METSİ

page 12

HO LEFA MELATO HO
BOHLOKOA PHANONG
EA LITŠEBELETSO



U tšoenyehile ka


Phepelo ea Motlakase?

Hape le...

**Likhakanyo tsa khokelo ea motlakase ♦ Khokelo ea
motlakase ♦ Khaolo ea phepelo ea motlakase ♦
Khokelo ♦ Khaolo ea phepelo e bakiloeng ke
bothata ba marang-rang a LEC?**

Lekhotla la Taolo ea Motlakase le Metsi Lesotho (LEWA) le hlahisitse litokomane tseo taolo ea motlakase etlang ho phethahatsoa ka tsona. Hara tse ling, Lekhotla le hlahisitse tokomane ea Lipehelo tsa Boleng ba Litšebeletso le Phepelo ea Motlakase (QoSSS). Tokomane ena e tataisa K'hamphani ea Motlakase Lesotho (LEC) hore e fane ka litšebeletso e ipapisitse le lipehelo tse behiloeng tse kahar'a eona. Tokomane ea QoSSS e kene tšebetsong ho tloha ka 2007.

Molemong oa litšebeletso tse phethahetseng holim'a motlakase Lesotho.







LEWANews

LESOTHO
ELECTRICITY & WATER
AUTHORITY

7 Floor, Moposo House, Kingsway
Private Bag A315 • Maseru
Maseru • Lesotho
Tel: +266 22312479
Fax: +266 22315094
E-mail: secretary@lewa.org.ls
Website: www.lewa.org.ls

 Lesotho Electricity and Water Authority –LEWA
 [officialLEWA_1](https://twitter.com/officialLEWA_1)

CHIEF EXECUTIVE
Motlatsi Ramafale
Email: MRamafale@lewa.org.ls

CONSUMER AFFAIRS
& COMMUNICATION MANAGER

Email: skhatala@lewa.org.ls

PUBLIC RELATIONS OFFICER
Sebusi Khanyela
Email: skhanyela@lewa.org.ls

LEWA NEWS is the newsletter of the
Lesotho Electricity and Water Authority.
It is published in English and Sesotho
It is distributed free of charge
to stakeholders.

The opinions expressed in it are not
necessarily those of LEWA and the
inclusion of an advertisement implies
no endorsement of any kind by LEWA.
The contents of the publication may be
reproduced free of charge on condition
that acknowledgement is given
to LEWA NEWS.

Please allow some time from receipt
of LEWA NEWS for additions to,
deletions from or changes in the
mailing/distribution list.

Copyright © LEWANews 2020

LETHATHAMO

SELELEKELA KA MOOKAMELI
BABALI BA KHABANE

2

LEWA E NKA LIKHATO KHAHLANONG LE COVID-19

3

HO LEFA MELATO HO BOHLOKOA PHANONG
EA LITŠEBELETSO

4

LITOKELO LE BOIKARABELLO BA BASEBELISI BA
LITŠEBELETSO KAMOR'A TŠEBELETSO EA KHOKELO

5

METHATI, LIPEHELO LE LITJEO TSA KHOKELO
EA MOTLAKASE

6

METHATI, LIPEHELO LE LITJEO PHANONG EA
LITŠEBELETSO TSA METSI LE LIKHOERE-KHOERE

8

MEKHOA EA HO BABALLA MOTLAKASE

10

MEKHOA EA HO BABALLA METSI

12

LINTLHA TSA BOHLOKOA TSEO KOPO EA
HO HLAHLOBA LITHEKO E TŠOANELANG
HO BA LE TSONA

13

TŠUSUMETSO EA COVID-19 HOLIMA
LITŠEBELETSO TSA METSI
METSENG EA LITEROPO

14

Selelekela ka Mookameli

Re motlotlo ho le amohela leselinyaneng la Lekhotla la Taolo ea Motlakase le Metsi Lesotho (LEWA) la pele selemong sa 2020/21. Kahara leselinyane, re le tlalehela ka tse ling tsa lietsahala tsa nakong ea 'Mesa ho isa Phuptjane, 2020 tsa mafapha a motlakase le metsi. Ka tšepo e sa thekeseleng ke lumela hore le ipaballetse ekasitana le ho ithhokomela nakong ena eo re patetsoeng ke seoa sa COVID-19. Le ele hloko melao le melaoana eohle e behiloeng ke Lekala la Bophelo Lesotho hammoho le Mokhatlo oa Lefatse oa Bophelo (WHO) e le ho ipaballa khahlanong le COVID-19. Matsoho a tšoanela hore a hlatsuo e bonyane metsotsoana e 20 ka sesepa. Moo metsi a leng sieo batho ba tlameha hpo sebelisa li-sanitisers khafetsa.

Ele ho nka likhato khahlanong le ho nama hoa Seoa sa COVID-19, Lekhotla le ile la ithukhubetsa ka matla ho loantsa ho ata hoa COVID-19 mosebetsing. Ho feta mona, re boetse re bua ka botebo ka lintlha tsa Lipehelo tsa Phano le Boleng ba Phepelo ea Motlakase le Metsi (QoSSS). Joaloka kamehla, thuto e holim'a methati ea ho amohela likopo tsa ho nyolloa hoa litheko, tlhahiso-leseling ka mekhoha ea ho baballa metsi le motlakase li teng ka hara leselinyana lena. Re boetse re shebisisa litlamorao tse ka bang teng phanong ea litšebeliso tsa metsi ka lebaka la COVID-19.

Joalokaha ho hlalositsoe, ho fana ka thuto mabapi le litšebeliso tsa motlakase le metsi ke tse ling tsa lintlha tsa bohlokoa tseo Lekhotla le li etsang. Lekhotla le tsepamisitse thuto haholo ho Phano ea Boleng ba Litšebeliso (QoSSS). Re boetse re bua ka botebo ka lintlha tsa Lipehelo tsa Phano le Boleng ba Phepelo ea



Motlakase le Metsi (QoSSS). Lekhotla le hlalositse tokomane ea QoSSS e le ho sireletsa basebelisi ba litšebeliso le ho fana ka meoloane eo bafani ba litšebeliso ba lokelang ho e latela. Sena se bolela hore Lekhotla le lokela ho anetsa thuto le kutloisiso hore basebelisi ba litšebeliso ba utloisise litokelo le boikarabello ba bona. Hara tse ling, basebelisi ba litšebeliso ba lokela ho tseba ka mekhoha ea ho boloka le ho sebelisa motlakase le metsi ka nepo, kaha taba eo e ka thusa ho boloka litjeo. Ka tsela e tšoanang, methati e tlamehang ho lateloa ke litsi tse laoloang ke LEWA ka nako eo li tekang likopo tsa tsona tsa ho nyolla litheko le litefiso e hlalositsoe e hlalositsoe le eona. Taba e 'ngoe ea bohlokoa ke hore re nne re hopotse babali ka mekhoha le methati ea ho tlaleha litlitlebo tsa bona LEWA ha ba sa sebeletsoa hantle ke litsi tse amehang.

Leselinyana lena le boetse le ea fumaneha ho www.lewa.org.ls. U ka boela hape ua tlatse foromo ea ho fumana leselinyana lena ka marang-rang a Lekhotla. Re selekaneng sa moshoelela. E se e ka u ka kotula tse molemo leselinyaneng lena.



Motlatsi Ramafole (Mr.)
Chief Executive



Mabapi le lintlha le lipotso ka litaba tse hlahang mona kapa tsa LEWA ka kotloloho, re kopa u letsetse mona 22312479 or secretary@lewa.org.ls



LEWA e nka likhato khahlanong le COVID-19

Joaloka mekhatlo e meng e neng e anngoeng ke koluoa ea COVID-19, Lekhotla la Taolo ea Motlakase le Metsi (Lesotho) le ile la nahana ka maemo a renang, melao ea 'Muso le litataiso tsa Mokhatlo oa Lefatše oa Bophelo (WHO) mabapi le seoa sena mme ba li kenya ts'ebetsong ka nepo. E le mokhoa oa boits'ireletso, basebeletsi ba Lekhotla ba ile ba tlameha ho sebelletsa hae ho tloha ka la 20 Mmesa ho fihla qalong ea Mots'eanong, 2020.

E le mohato oa pele, LEWA e ntlafalitse melaoana ea lona ea mosebetsing khahlanong le COVID-19 (Work Guidelines Against COVID -19). Lekhotla le ile la itluma ho nka mehato e hlokahalang ho sireletsa bophelo bo botle le polokeho ea mohiruo e mong le e mong mosebetsing. Ho latelala Tokomane ea Melaoana (guidelines) khahlanong le COVID-19, Lekhotla, har'a boikarabello ba lona bo bong, le ile la hlahloba basebetsi letsatsi le leng le le leng bakeng sa feberu mme la fana ka bohloeki ba letsoho bo nang le bonyane 70% ea joala ho basebetsi. Basebetsi ba ile ba fuoa bonyane limaske tse peli tsa mahlong tseo ba ka li aparang ha ba le mosebetsing kapa ha ba ea mosebetsing 'me ba ne ba sa lumelloe ho kena liofising ntle le Sesebelisoa sa Ts'ireletso ea Botho (PPE) e leng se hlokoang ke molao. Basebetsi ba ile ba hopotsoa ho nka mehato ea ho fokotsa likamano lipakeng tsa bona le lipakeng tsa basebetsi le sechaba ho thibela phetiso ea COVID-19. Liofisi tsa LEWA le tsona li ile tsa fafatsoa ka lithibela kokoana-hloko molemong oa ho li hloekisa.

Mabapi le ho kenya letsoho boitekong ba naha bo reretsoeng ho thibela ho ata hoa COVID-19, Tokomane e fane ka

hore Lekhotla le tla tlaleha ts'oaetso efe kapa efe ea Covid-19 mosebetsing ho Lefapha la Bophelo le ho Lekala la Basebetsi le Khiri, hammoho le ho batlisisa sesosa mme ho nkoe mehato e loketseng. Bolaoli bo tla ts'ehetsa mehato efe kapa efe ea khokahano e qaliloeng ke Lekala la Bophelo. Ka lehlohonolo, ha ho na ketsahalo e tlalehiloeng ho LEWA ho fihlela joale. Ho feta moo, sechaba, bareki / barekisi le bareki ba kenang mosebetsing oa LEWA ba koptjoa ho roala likoaela tsa sefahleho le ho sebelisa li-sanitiser tse fanoeng.

E le ho itšireletsa, basebeletsi ba Lekhotla ba ile ba tlameha ho sebelletsa malapeng boholo ba 'Mesa 2020 ho fihlela qalong ea Mots'eanong, 2020. Tsebisano e tsebisang sechaba ka ho koaloa ha liofisi le hore basebeletsi ba sebelletsa malapeng e ile ea etsoa le ho romelloa websiteng ea LEWA. Leha ho ne ho e na le lithibelo tse matla tsa motsamao, Lekhotla le ile la lula le le malala-a-laotsoe ho netefatsa hore lits'ebetso tsa LEWA li fuoa bareki le ba nkang karolo ba bang. Mohlala, Boto ea Lekhotla e ile ea kopana ho buisana ka Kopo ea K'hampani ea Lesotho ea Motlakase (LEC) ea ho nyolla litheko tsa 2020/21, ekasitana le ho lisa boemo ba COVID-19.

Ha 'Muso o bebofatsa lithibelo tsa motsamao qalong ea Mots'eanong 2020, Lekhotla le ile la bula mamati a lona ho ba amehang, bareki le sechaba. Liketelo tse sa hlokahaleng liofising li ne li ntse li emisitsoe. Kaha seoa se ne se ntse se eketseha, Lekhotla le ne le ntse le lekola mekhoe ea ho sireletsa basebetsi ka ts'ebetso ea Work From Home (WFH) e le mohato o mong. Litaelo tsa polokeho tsa LEWA mosebetsing tse khahlanong le COVID-19 li ntse li sebetse.

Ho lefa melato ho bohlokoa phanong ea litšebeletso

Phano ea boleng ba litšebeletso tse tsoileng matsoho ha e angoe hampe feela ke liketso tsa bosholu, tšenyō kapa ho tsofala hoa thepa. E ka angoa hape ke ho se lefelloe hoa litšebeletso. K’hamphani ea Motlakase Lesotho (LEC) hammoho le K’hamphani ea Metsi le Likhoerekhoere (WASCO) li thulana le bothata ba mekoloto eo beng ba eona ba sa e pataleng.

Ho se pataloe hoa litšebeletso, ho setisa hore phano ea boleng ba litšebeletso e tsoileng matsoho e etsoe sechabeng. Ka hona ho bohlokoa hore basebelisi ba litšebeletso ba utloisise hore litšebeletso tseo ba li fuoang, li tsoanela ho lefelloa. Ka tsela eo, litsi tsa litšebeletso li lokela ho fumana tefo bakeng sa litšenyehelo tse joalo.

LEC le WASCO, eleng litsi tse laoloang ke LEWA, li lumelletsoe ho fumana karoloana ea chelete ea tšebetso ka mokhoa oa ho una kapa ho lefisa chelete e joalo ho tsoa litšebeliso tseo ba fanang ka tsona. Ho se patalloe hoa litšebeletso ho kenya letsoho tiehisong ea ho rarolla mathata a hlahang phanong ea litšebeletso.

Mathata a ka hlahang ka lebaka la tiehiso ea phano ea litšebeletso e ka ba likotsi tse kang ho chesoa ke motlakase kaha LEC e tla be e sena chelete ea tokiso, kapa tahlehelo e kholo ea metsi ho WASCO ka mabaka a tsoanang. Ho se patalloe hoa mekitlane ho ka boela hape hoa sitisa tokiso le paballeho ea thepa ka lebaka la tlhokahalo ea chelete.

Lekhotla le eletsa basebelisi ba litšebeletso lefapheng la motlakase le metsi ho itloaetsa ho lefa mekitlane ea bona ka nako molemong oa tšebetso e ntle phanong ea litšebeletso. E le ho akofisa mokhoa oa tšebetso le tšebeliso- ‘moho, basebelisi ba litšebeletso ba eletsoa ho beha litjeo tsa mekitlane ea bona meralong ea khoeli le khoeli.



Monghali Mpitl Phatela-Mookameli oa WASCO, Qacha's Nek a hlalosa bohlokoa ba ho lefella mekoloto ea sehlahla sa tšebeliso sa litšebeletso tsa metsi le likhoerekhoere.



Moetapele oa sechaba sa karolo ea toropo ea Mokhotlong a ipiletsa ho sechaba ka likhokelo tsa motlakase le metsi tse seng molaong

Litokelo le boikarabello ba basebelisi ba litšebeletso kamor’a tšebeletso ea khokelo

Ka lebaka la thabo ea ho kenyetsoa phepelo ea motlakase kapa metsi, boholo ba basebelisi ba litšebeletso ba bacha ba hloka ho thusoa ho utloisisa le ho hlakisetsoa ka litokelo le boikarabello tsa bona holim’a litšebeletso tseo ba li filoeng.

Litsi tsa phano ea litšebeletso li tsoanela ho hlaloesa kamehla basebelisi ba litšebeletso methati eohle eo ba lokelang ho e latela ha ba sa khotsofala, litokelo le boikarabello ba bona hang ho tloha ha ba kopile tšebeletso ho fihlela ho tekenoa litokomane tsa tumellano ea tšebetso le phumantšo ea eona. Kutloisiso ea lipehelo tsa phumantšo ea litšebeletso tse joalo ha se kamehla e bang teng ho basebelisi ba litšebeletso kapa hona hore ba li bale moo ebang li ngotsoe. Basebelisi ba litšebeletso Mafapheng a Phepelo ea Motlakase hammoho le la Metsi metseng ea literopo le Litšebeletso tsa Likhoerekhoere, ba lokela ho hlokomela litokelo le boikarabello tse bang teng hang kamora hore ba fuoe litšebeletso.

[Tseba mokoloto oa hau oa khoeli; boloka mithara moo o ka baloang ha bobebe](#)

Basebelisi ba litšebeletso ba na le tokelo ea ho fumana bopaki ba mokoloto oa bona hang ka khoeli. Lipalo tsa tšebeliso ea phepelo ea metsi li nkoa limithareng kapa ho etsoe likhakanyo. K’hamphani ea Metsi le Likhoerekhoere (WASCO) e ntša bopaki ba mekoloto ea tšebeliso ea metsi ka SMS. Ntle le moo mosebelisi a ka kenya nomoro ea mithara oa hae marang-rang a WASCO. Bakeng sa tšebeletso e tsoileng matsoho, Lekhotla la Taolo ea Motlakase le Metsi Lesotho (LEWA) le eletsa basebelisi ba litšebeletso ho beha limithara sebakeng se fihlelehang ha bobebe (se hloekileng, se thoko ho lintja).

[Qoba ho hlekahleka mithara](#)

Hape, mosebelisi oa litšebeletso o lokela ho tseba hore ke tlolo ea molao ho hleka-hlekana le limithara kapa ho o tlosa moo o behiloeng. Limithara ke thepa ea WASCO, hammoho le LEC ka motlakaseng. Moo limithara ho seng ho kenakenano e tsona kapa li na le mathata, LEC kapa WASCO li tlameha ho tsebisoa hang.



Hlahloba ho nepahala hoa mokoloto

Boemong boo mosebelisi oa litšebeliso a sa khotsofalleng lipalo tsa tšebeliso, o eletsoa ho bapisa lipalo tse hlahang mithareng khahlanong le se hlahang tokomaneng ea tefo ea setsi sa phano ea litšebeliso. Boemong boo lipalo li sa tsoaneng, hoo ho ka bakoa ke sekhahla sa tšebeliso ea litšebeliso ho tloha ha WASCO e ne e nka lipalo ho fihlela nako eo papiso ea lipalo e neng e etsoa khahlanong le mokoloto o hlahang tokomaneng. Mosebelisi oa litšebeliso a ka boela hape a bapisa mokoloto o teng le oa khoeli e fitileng kapa oa selemong se fitileng ka nako e tsoanang.

Patalla litšebeliso ka nako

Basebelisi ba litšebeliso ba na le boikarabello ba ho patalla mekoloto ea bona e salletseng morao. Lefapheng la metsi, WASCO e ka khaola phephelo ea litšebeliso nakong ea matsatsi a leshome ka mora ho se lefelloe hoa mokoloto. Lefapheng la motlakase teng phano ea litšebeliso e ka khaola ke LEC nakong ea matsatsi a mahlano kamor'a hore litšebeliso li se patalloe. Leha ho le joalo, mosebelisi oa litšebeliso o lokela ho fuaa temoso e ngotsoeng ea matsatsi a mabeli pele seo se ka etsoa. Hape ke boikarabello ba basebelisi ba litšebeliso ho tlaheha mathata a hlahang phanong ea litšebeliso e le ho qoba tiehiso ea ho khutlisetsoa hoa litšebeliso tse joalo.

Tharollo ea litsetlebo

Lekhotla le eletsa basebelisi ba litšebeliso ho teka tsetlebo ea bona ho bafani ba litšebeliso ka mongolo 'me ba eme libeke tse peli bakeng sa hore tsetlebo e joalo e rarolloe. Ha nako e boletsoeng e ka feta kapa ea ba tsetlebo e joalo e rarolloa ka tsela e sa khotsofatseng mosebelisi oa litšebeliso, tsetlebo e joalo e tlosoa ho LEWA bakeng sa tharollo ka bokena-lipakeng.

Methati, Lipehelo le litjeo tsa khokelo ea motlakase

Ho latela molao oa Lekhotla la Taolo ea Motlakase oa selemo sa 2002, Lekhotla la Taolo ea Metsi le Motlakase Lesotho (LEWA) le na le boikarabello ba ho sireletsa litabatabelo tsa basebelisi ba litšebeliso tsa metsi le motlakase mabapi le lipheho tsa phephelo 'moho le lithoko tsa litšebeliso.

Tšebetso e kholo ea Lekhotla tabeng ena, ke ho bona hore phephelo ea motlakase e anetsoa ho litsi tse kang tsa khoebo, basebelisi ba malapeng, makala a 'muso, litsi tsa thuto, litsi tsa bophelo le sechaba se amehang ka tsela e nepahetseng e bileng e tšepahalang.

Litokomane tsa taolo, melao le melaoana, maano le tse ling li hlalositse ho thusa ho hlaloha boleng ba litšebetso, ho bona hore K'hamphani ea Motlakase Lesotho (LEC) e etsa tšebetso e ipapisitse le meoloane e behiloeng. Litokomane tsena li kenyelletsa tokomane ea Boleng ba Phano ea Litšebetso le Phepelo (QoSSS), 'me eona e hlalositse lipehelo tsa linako tseo LEC e lokelang ho ipapisa le tsona ha ho fanoa ka litšebetso.

Tokomane ea Leano la Khokelo ea Motlakase ea selemo sa 2007 le eona e hlakisa meoloane ea phepelo 'moho le litjeo tse lokelang. Tokomane ena e hlalosa hore khokelo ea motlakase e etsoang sebakeng sa bolelele bo sa feteng limithara tse mashome a mahlano (50 meters) ho tloha moo marang-rang a motlakase a leng hona teng, e lokela ho patalisoa chelete e sa feteng likete tse peli (M2,000.00). Moo khokelo e bang ka holimo ho bolelele bo fetang limithara tse mashome a mahlano (50 meters), kopo ea khokelo e patalisoa litjeo ho ipapisitse le hore ho tlo sebelisoa chelete e kae (actual cost).

Ele ho fihlela kutloisiso e qakileng ea methati, lipehelo le litjeo tsa phepelo, tafolana e atelang e ea hlalosa.

| Mothati | Tšebetso/ Mothati | Khato | Litokomane tse hlokehang | Ho tsoa ho | Litjeo tse hlokehang | Nako ea ho phethela tšebetso |
|---------|---|--|--|---|---|---|
| 1 | Teko ea mehala ea motlakase | Foromo ea A le B moo ho tlatsoang thepa ea LEC | Bukana ea ho eta/ ID (kopi) | Ramotlakase oa hau | Ha ho litjeo tse hlokehang | Matstsing a mahlano a tšebetso |
| 2 | Kopo ea ho potiela | Etsa kopo ea ho potiela ke LEC | Lengolo le pakang ho pasa hoa ho mathisa marangrang a motlakase le tokomane ea ho eta. | Mosebelisi | M 100.00 sebakeng sa mosebelisi oa lapeng, M250.00 sebakeng sa khoebo | Matsatsing a leshome a tšebetso |
| 3 | Likhakanyo tsa litjeo tsa phepelo li lokile | Lata ube u tekenele tokomane ea likhakanyo tsa litjeo tsa phepelo | Rasiti ea ho patella kopo | Mosebelisi | N/A | E felloa ke nako matsatsing a mashome a tšeletseng ho tloha ha khakanyo e fanoa empa ho sa pataloea. |
| 4 | Phepelo ea motlakase | Patala likhakanyo tsa litjeo tsa phepelo ho latela lipehelo tse beiloeng | Rasiti ea ho patella kopo le kopi ea khakanyo ea litjeo tsa khokelo | Mosebelisi | Patala M500.00 ha khakanyo e le M2000.00. kapa 60% ea khakanyo e feta M2000.00. | Matsatsing a mashome a mararo a tšebetso ho tloha ha ho patetsoe, ho sa eloe hloko taba ea horelikhakanyo li patetsoe kaofela kapa 60% e patetsoe. |
| 5 | Tokollo ea ho reka motlakase | Tlhatlhobo ea khokelo ea motlakase | Foromo ea keletso | Lefapha la limithara (LEC) | Ha ho litjeo tse hlokehang | Matsatsing a supileng a tšebetso |
| 6 | Ngoliso | Ngoliso ea mosebelisi lethathamong la basebelisi ba patalang pele ba sebelisa motlakase | Foromo ea keletso (e felletseng) | Mokhoa oa ho patala pele ho tšebeliso (LEC) | Ha ho litjeo tse hlokehang | Lihora tse mashome a mabeli a metso e mene |

Mohloli: <https://www.lec.co.ls/services>

Lipehelo ho latela QoSSS

Likhakanyo tsa litjeo tsa phepelo ea motlakase

Likhakanyo tsa litjeo tsa phepelo ea motlakase li lokela ho fanoa matsatsing a leshome (10) a tšebetso, moo marang-rang a motlakase a seng a ntse a le teng. Moo ho hlokahalang katoloso ea marang-rang, likhakanyo li lokela ho fanoa nakong e sa feteng khoeli.

Khokelo ea motlakase

- ◆ Moo marang-rang a leng teng, phepelo ea motlakase e lokela ho phetheloa matsatsing a sa feteng a 30 a tšebetso, empa moo ho hlokahalang likatoloso tsa marang-rang, phepelo e lokela ho etsoa matsatsing a sa feteng likhoeli tse peli.
- ◆ Moo teng e bang ho hlokahala phepelo e ncha sebakeng, kapa phepelo e le ea likhoebo tse kholo tse kang lifemeng, nako ea phepelo e se e ka buisanoa 'me hoa lumellanoa ke LEC le mosebelisi.

Methati, Lipehelo le Litjeo phanong ea Litšebeletso tsa Metsi le Likhoere-Khoere

Lefapheng la litšebeletso tsa metsi le likhoere-khoere, litšebeletso tse laoloang ke Lekhotla la Taolo ea Motlakase le Metsi Lesotho (LEWA) ke tlhahiso ea metsi; tlhoekiso ea metsi; tsamaiso ea metsi ka lipeipi tse kholo le tse kholoanyana; phepelo ea metsi le poloko ea oona molemong oa ho tla a hloekisa; tsamaiso ea metsi ho ea litankeng, tlhoekiso le ho qhaloa hoa likhoere-khoere ka marang-rang a teng.

Karolo e kholo e bapaloang ke Lekhotla, ke ho netefatsa hore litšebeletso tsa metsi le likhoere-khoere li fumaneha ka nako eohle, le ho beha leihlo hore tšebetso e etsoa ka tsela e nepahetseng.

Tse latelang ke lipehelo, methati e lokelang ho lateloa pele phepelo ea litšebeletso tsa metsi le likhoere-khoere e ka phethahatsoa 'moho le litjeo tse lokelang.

Methati ea WASCO ea phepelo ea metsi

| | |
|------------------|---|
| Mothati 1 | <ul style="list-style-type: none"> Atamela liofisi tsa WASCO ho etsa kopo ea phepelo ea metsi. Ofisi ea litšebeletso tsa baji (customer care) etla fumana hore na sebaka se kopeloang phepelo na ke sebaka se nang le marang-rang ka ho u botsa lipotso. Mohlala: U ka botsoa hore na bahaisane ba hau ba se ba hoketsoe marang-rang a phepelo ea metsi |
| Mothati 2 | <ul style="list-style-type: none"> Haeba sebaka se kopeloang phepelo ke sebaka se nang le marang-rang, u tla patala M50.00 ea ho potliela. Tšebetso ea ho potliela e etsoa ho fumana bolelele ba ho tloha ho peipi e kholo ea phepelo ho isa sebakeng seo mokopi a hlokang khokelo ho sona. Bolelele bo lumelletsoeng hore phepelo e ka etsoa ke limithara tse lekholo le mashome a mahlano (150 meters). Ha sephetho sa ho potliela se bontša hore mokopi bolelele ha bo fete limithara tse lekholo le mashome a mahlano (150 meters), likhakanyo tsa litjeo tsa phepelo li fumaneha matsatsing a tšeletseng a tšebetso. |
| Mothati 3 | <ul style="list-style-type: none"> Likhakanyo tsa litjeo tsa phepelo li lokeloa ho pataloe ka botlalo, 'me phepelo e etsoe matsatsing a leshome a tšebetso moo marang-rang a metsi a seng a ntse a le teng. |

Litjeo tsa phepelo ea metsi ka bolelele le chelete

| | |
|------------------------------------|---------|
| Limithara tse lipakeng tsa 1-25 | ◆ M1500 |
| Limithara tse lipakeng tsa 26-50 | ◆ M2500 |
| Limithara tse lipakeng tsa 51-100 | ◆ M3500 |
| Limithara tse lipakeng tsa 100-150 | ◆ M4500 |

Mohloli: <http://www.wasco.co.ls/new-water-connections/>



Setho sa Komiti ea LEWA se botsa lipotso mabapi le litemo tsa likhokelo 'mokokotse oa sechaba Thaba-Tseka.



Sechaba 'mokeng oa LEWA seterekeng sa Thaba-Tseka.

Lipehelo ho latela QoSSS

Likhakanyo tsa phepelo ea metsi

Likhakanyo tsa litjeo tsa phepelo ea metsi li lokela ho fanoa matsatsing a tšeletseng (6) a tšebetso, moo marang-rang a seng a ntse a le teng, 'me bolelele bo sa fete limithara tse lekhohle le mashome a mahlano (150M). Moo teng ho hlokahalang lipetso tse ncha, likhakanyo li lokela ho fanoa nakong ea matsatsi a leshome a tšebetso (10).

Phepelo ea metsi

Moo marang-rang a leng teng, phepelo ea metsi e lokela ho phetheloa matsatsing a leshome (10) a tšebetso, 'me bolelele bo sa fete limithara tse lekhohle le mashome a mahlano. Phepelo e lokeloa ho etsoa matsatsing a khoeli moo teng bolelele bo fetang limithara tse lekhohle le mashome a mahlano (150 m) empa bo sa fete limithara tse sekete.

Likhakanyo tsa Phepelo ea Litšebeliso tsa Likhoere-Khoere

Likhakanyo tsa litjeo tsa phepelo ea litšebeliso tsa likhoere-khoere li lokela ho fanoa matsatsing a tšeletseng a

tšebetso, moo marang-rang a likhoere-khoere a seng a ntse a le teng, 'me bolelele ho tloha moo marang-rang a leng teng bo sa fete limithara tse mashome a robong (90 meters). Moo teng ho hlokahalang katoloso ea marang-rang, likhakanyo li lokela ho fanoa nakong ea matsatsi a leshome a tšebetso.

Moo marang-rang a likhoere-khoere a seng a ntse a le teng, 'me bolelele ho tloha moo marang-rang a leng teng bo le lipakeng tsa limithara tse mashome a robong (90 meters) le limithara tse makhohle a mahlano (500 meters), likhakanyo li lokela ho fanoa matsatsing a leshome le metso e mahlano (15).

Phepelo ea Litšebeliso tsa Likhoere-Khoere

Moo marang-rang a leng teng, phepelo ea litšebeliso tsa likhoere-khoere e lokela ho phetheloa matsatsing a leshome le metso e mahlano a tšebetso (15), 'me bolelele ho tloha moo marang-rang a leng teng bo sa fete limithara tse mashome a robong (90 meters).

Moo teng bolelele ho tloha moo marang-rang a leng teng bo fetang limithara tse mashome a robong (90 meters) empa bo sa fete limithara tse mashome a mahlano (500 meters), phepelo e lokela ho fanoa matsatsing a sa feteng khoeli a tšebetso.

Mekhoa ea ho baballa motlakase

Lekhotla la Taolo ea Motlakase le Metsi Lesotho (LEWA) le na le boikarabello ba ho bona hore ho na le botsitso ba phephelo ea motlakase kahar'a naha. E le ho fihlela sena LEWA e na le tokomane e etsang likhethaletso hore batho ba sebelise motlakase ka bohloko-losi joang (guidelines on efficient use of electricity).

Poloko ea motlakase e bolela ho theola sekhahla sa tšebeliso empa u nts'u etsa mosebetsi o tsoanang. Mohlala, tšebeliso ea lebone la mofuta oa LED la 12-watt le sebelisa matla a 75-80% a tlaase ho le tloahelehileng la 60-watt empa bobeli a na le matla a tsoanang a khanya. Ka hona,

Tšebeliso ea motlakase oa matla a letsatsi e ka thusa ho theola sekhahla sa tšebeliso ea motlakase.



Tima u be u ntše thepa ea motlakase polakeng joaloka lisebelisoa tse sa sebitseng nako eohle ka mora tšebeliso. Lisebelisoa li ja motlakase leha li sa laetoe/sebelisoa 'me seo se senya motlakase o mongata. Basebelisi ba litšebeliso ba lokela ho etsa bonnete ba hore thepa e kang litšoantšo pono e tingoa ka ho phethahala polakeng e le ho qoba ho jeha hoa motlakase.



Sehatsetsi se senang lijo se sebelisa motlakase o mongata ho feta se tlatsitsoeng lijo kaha ha se sebetse ka thata ho hatsetsa lijo.



Tšebeliso ea onto (oven) e etsa hore mapane a mollo a futhumale leha ho sa phehoa letho, 'me basebelisi ba litšebeliso ba eletsoa ho sebelisa maifo ha onto e ntse e pheha ho hong. Ho etsa joalo ho boela ho theola sekhahla seo motlakase o sebelisoang ka ona.



Tšebeliso ea leifo le leholo bakeng sa pitsa e nyane, ke tšenyō e kholo ea matlakase. Sebelisa leifo le lenyane bakeng sa lijo tse nyane.



basebelisi ba litšebeliso ba khothaletsoa ho sebelisa thepa ea motlakase e nang le letšoao le letala la matla.

Hangata tsebeliso ea motlakase e hlokolosi e nkoa e le ntho e thata e ka kengoang tšebetsong feela ke palo e fokolang ea batho. Ho boloka motlakase ho theola sekhahla sa tšilafalo ea leholimo, litšenyehelo tsa letsatsi le letsatsi le ho eketsa menyetla ea bophelo bo ntlafetseng.

Likhoebho le malapa ba eletsoa ho boloka motlakase kamehla e le ho qoba litšenyehelo tse sa hlokahaleng. Ka tlaase mona ke mekhoea eo basebelisi ba litšebeliso ba lokelang ho e latela e le ho boloka motlakase:

U ka fumana litaba tse ling mona: www.lewa.org.ls



Tšebeliso ea sefehla-moea mariha e bohlokoa kaha e sa sebelise motlakase o mongata. Ka nako eo u kenyang sefehla-moea u lokela u se behe hore se fehle moea khahlanong le mokhoa oo moea o tsamaeang ka oona (anti-clockwise). Ka ho etsa sena, moea o chesang o tla fehleha 'me o tlale kamore ka ngoe.



Basebelisi ba litšebeliso ba eletsoa ho pheha ka sekhahla se se nyane sa mollo, ba qobe ho hotetsa ba tima, kaha seo se senya motlakase. Seno se bakoa ke hobane sefuthumatsi se sebelisa sekhahla se phahameng sa matla hore se futhumale kamor'a hore se phole. Ka hona sekhahla se seholo sa matla se ea lahleha ha setofo se besoa e bile se tlo phola hape.



Hang ha u qeta ho sebelisa onto, siea u e butsoe e le hore mocheso o anele likamoreng tse ling.



Menyako eohle ea ntlo e lokela ho lula e koetsoe e le ho boloka mocheso kamoreng e 'ngoe le e 'ngoe 'me seo se bolela hore sekhahla sa tšebeliso ea motlakase se tli'o theoha. Basebelisi ba litšebeliso ba eletsoa hore ba sebelise mealo (mats) ea faatše e boima e le ho bokella mocheso kamoreng eo ho besitsoeng kahar'a eona.

Mekhoa ea ho baballa metsi

Lekhotla la Taolo ea Motlakase le Metsi Lesotho (LEWA) le na le boikarabello ba ho bona hore ho na le botsitso ba phepelo ea phepelo ea metsi metseng ea literopo.

E le ho fihlela sena LEWA e na le tokomane e etsang likhothaletso hore batho ba sebelise metsi ka bohlokolosi joang (Water use efficiency guidelines). Metsi ke bophelo 'me a lokela ho tsoaroa hantle nako eohle, 'me paballeho ea oona e se etsoe feela likhoe-ling tsa hlabula. Leha metsi a mangata a sebelisoa likhoe-ling tsa hlabula ho feta mariha, a ntse a lokela ho sebelisoa ka hloko ka mehla.

Ka tlaase mona ke mekhoa ea ho boloka metsi likhoe-ling tsa mariha:

E le ho qoba hore lipeipi li apare-loe ke serame, li koahela ka polyethene kapa fibreglass. U eletsoa ho thatela peipi ea metsi ka theipi e li futhumatsang (heat-tape) pele u ka e koahela ka polyethene.

Maemo a batang haholo a etsa hore lipeipi tsa metsi li honyele. Ka nako eo ho qalellang ho futhumala, lipeipi tsa metsi li taboha ka bongata 'me tahlehelo ea metsi e etsahale, e leng se phahamisang litjeo tsa litsi tse fanang ka litšebeliso. U eletsoa ho sebelisa setsibi sa ho hokela metsi hore se u hlahlobele lipeipi tsa hau bakeng sa ho lutla.



Nakong eo metsi a lutlang haholo katlung, mochini o laolang metsi u ka u thusa ho thiba phallo ea metsi e ka bakang tahlehelo e ngata ea metsi le chelete.

Ho tlohella metsi a phalle nakong ea mariha ho ka thusa hore metsi a apare-loe ke serame se ka eketsang sekhahla sa tšenyo ea metsi. Mosebelisi oa litšebeliso o kothaletsoa ho bokella metsi a ntseng a phalla ka sekhakeletsi seo a tlang ho se sebelisa bakeng sa ho noesetsa lijalo kapa matloaneng a boithuso.

Metsi a lokela ho bolokoa nako eohle kaha metsi a bokelloang nakong ea lipula a ke ke a lekana motho e mong le e mong. Basebelisi ba litšebeliso ba lokela ho hopola hore lipula tse fokolang li bolela hore metsi a bokelloang le oona a ba manyane.

Ho ba teng hoa seoa sa COVID-19 ho re bontšitse bohlokoa ba metsi thibelong ea ho ata hoa seoa sena le mafu a mang.

Lintlha tsa Bohlokoa Tseo Kopo Ea Ho Hlahloba Litheko e Tšoanelang ho ba le Tsona

Lekhotla la Taolo ea Motlakase le Metsi Lesotho (LEWA) le na le boikarabello ba ho e la hloko hore tšebetso ea Lefapha la Litšebeletso tsa Motlakase ke e bolokehileng.

Ho latela Molao o thehileng Lekhotla (Molao oa Lekhotla la Taolo ea Motlakase oa 2002, o hlomathisitsoeng) LEWA e fuoe matla a ho laola litjeo le litheko tsa motlakase, metsi le litšebeletso tsa likhoere-khoere. LEWA e hlalositse litokomane tsa taolo tse tataisang Lekhotla ho etsa qeto holima litheko le litjeo. K’hamphani ea motlakase Lesotho (LEC) le K’hamphani ea Metsi le Likhoere-khoere (WASCO) li lokela ho etsa kopo ea ho hlahloba bocha litheko nako eohle ha tlhokahalo e le teng. WASCO le LEC li ee li hlalose hore ho nyolla litheko ho thusa hore ho fanoe ka litšebeletso tse tsitsitseng hobane ke tsona mohloli oa chelete e sebelisoang.

Nakong eo Lekhotla le seng le fumane kopo ho tsoa ho LEC kapa WASCO, le lokela ho hlahlobisisa hore kopo e joalo e ikamahantse le meoloane e beiloeng, e hlalositsoeng kahar’a tokomane ea Lekhotla ea ho kenya kopo ea ho hlahloba litheko tsa motlakase le metsi. Tokomane ena e manolla methati eo Lekhotla le lokelang ho e latela ha le hlahloba kopo ea ho nyolla litheko ‘me qetellong eba ho tla etsoa likhohalletso ho Boto ea Lekhotla. Molao o thehileng Lekhotla o fana ka nako ea likhoeli tse tharo feela hore Lekhotla le be le sebelitse ‘me le entse qeto holima kopo. Tokomane ena ea methati e ikamahanya le melao le melaoana e tsamaisang Lekhotla. Mohlala, tokomane ena e ikamahanya le lengolo la tumello (lakesense) ea LEC le WASCO ‘moho le Molao oa 2009 oa Lekhotla la Taolo ea Motlakase oa molaoana le Tekolo ea Litheko tsa Motlakase.

Litaba tse boletsoeng kaholimo li thusa ho fana ka tlhahiso leseling ho bohle ba amehang. Litaba tsena li hahla boitšepo ba tsebo litabeng tsa methati ea ho etsa qeto holima litheko. Tlatsetso e tsoang ho baji e chorileng e nang le tsebo e susumetsa hore qeto e fihleloang ea litheko ebe e utloahalang ‘me ebile e susumelitsoe ke mabaka a hlakileng.



Monghali Thuso Ntlama, Mookameli oa Lefapha la Taolo ea Moruo a khothaletsa basebelisi ba litšebeletso hore ba nke seabo nakong eo Kopo ea nyollo ea litheko le liteso.

Lintlha tse akaretsang

Kopo tsohle tse tlišoang ho Lekhotla li lokela ho kenyeletsa tse latelang:

- ◆ Tlhaloso e khutšoane e hlakileng ea kopo ;
- ◆ Polelo mabapi le mabaka a susumelitseng kopo;
- ◆ Litjeo le lichelete li aroloe ho latela mesebetsi e fapaneng e laoloang ke Lekhotla ‘me e etsoang ke LEC;
- ◆ Tšebetso ea khoebo lefapheng la motlakase e lokela ho aroloa ka mekhahlelo ea phetiso ea motlakase ka marang-rang a maholo le ka marang-rang a maholoanyana, le phepele ea motlakase;
- ◆ Polelo ea menahano/ likhakanyo (moruo, chelete, tsa sechaba, limetho, le tse ling) tse etsoeng hloko ha ho hlophisoa kopo;
- ◆ Tlhaloso ea litaba (chelete, lipalopalo le limetho) tse tlatsetsang kopo;
- ◆ Polelo ea tlhaloso ka likhoebo tse amanang le setsi le bohle ba amehang;
- ◆ Litaba tsohle (chelete le limetho) li lokela ho kenyelletsoa kopong ka sebopeho sa MS Excel;
- ◆ Litokomane tsohle li lokela ho kenella kopong ka sebopeho seo ho lumellanoeng ka sona le LEWA, ‘me kopo e etsoe PDF; hape
- ◆ Litafolana tsohle li lokela ho tlatsoa ka litaba tse lokelang ‘me li qhoahelloe.



Tšusumetso ea COVID-19 holima litšebeletso tsa metsi metseng ea literopo

Metsi ke khubu ea botsitso ba ntlafatso, hape a bohlokoa molemong oa bophelo bo botle le ntlafatsong ea tikoloho. Ke sehloiloeng se lokelang ho hlokomeloa ka tsela e nang le hlokolosi kaha a thusa tabeng ea ho laola kotsi e amanang le tlala kapa ona mafu.

Phano ea metsi a bolokehileng, litšebeletso tsa likhoere-khoere le boemo ba bohloeki li bohlokoa molemong oa bophelo bo botle le taolong ea mafu a tšoaetsanang joalo ka lefu la coronavirus (COVID-19). Taba ea ho hlapa matsoho hoa sechaba malapeng, likolong, li'marakeng le litsing tsa bophelo e ka thusa thibelong ea tšoaetsano ea COVID-19.

COVID-19 ke lefu le bakoang ke kokoana-hloko ea corona. Lekhotla le ikamahanya le boeletsisi ba WHO ka ho khothaletsa sechaba hore se lule se hlapa matsoho khafetsa, ho roaloe limonkoane tsa mahlong ka linako tsohle, ho qoba katamelano le hona ho boloka sebaka lipakeng. Lekhotla le arolelana maikutlo le WHO tabeng ea hore metsi le bohloeki li bohlokoahali toantšong ea kholumo-lumo ena. Ele ho fihlela sena, Lekhotla le fana ka thuto khafetsa ho sechaba ho ba hlokomelisa ka tšebeliso e nepahetseng ea metsi, le ho khothaletsa hore sechaba se patalle tšebeliso ea metsi (bill). Ke taba e tiileng hore metsi ha a sebelisoa ka nepo ebile a pataloa ka nako, phepele ea metsi e tla e tsitsiseng.

Tšusumetso e mpe e tlisitsoeng ke COVID-19

COVID-19 e hlakisitse liqholotso lefatše ka bophara 'me e amile moruo ka kakaretso. Banka ea Lefaatše le eona e bolela hore COVID-19 e lebelletsoe ho ama khoebo le moruo hampe kaha boholo ba lifeme tsa masela li reka lisebelisoa China, eo le eona e nang le mathata moruong. Lesotho le lona le anngoe ke COVID-19 kaha tšebetso litabeng tsa moruo e theohile, 'me bohle ba seng ba ntse ba le tlokotsing ba pepeneneng ea kotsi. Moruo oa naha ea Lesotho o itšetlehile khoebisanong e bulehileng ka bophara ba lefatše, 'me o amehile kaha sekhahla sa theki-setsano se theohile.

Nakong eo lifeme le likhoebo li neng li koetsoe nakoana (lockdown), ho ka lebelloa hore WASCO e tla kopana le bothata tabeng ea likhakanyo tse neng li entsoe haholo mabapi le bongata ba tšebeliso ea metsi, khakanyo ea litjeo tsa thekiso, 'moho le pokello ea mekoloto. Lefapheng la metsi, WASCO e kopane le qholotso ea ho se fane ka litšebeletso ka nako e lebelletsoeng kaha ho latela bothata bo tlisitsoeng ke COVID-19, boholo ba basebetsi ba sebetsa ba le hae. Thepa e'ngoe e hlokahalang ho hokela sechaba marangrang a phepele le litšebeletso ke bothata kaha boholo ba thepa e sebelisoang e rekoa kante ho naha.

Litlamorao tsa COVID-19 li ka susumetsa hore WASCO e hlolehe ho fumana lipalopalo tse lebelletsoeng tsa litjeo tsa thekiso kaha palo e neng e lebelletsoe ea phepele ea litšebeletso e sa fihleloa, kaha likhakanyo tsa likhokelo tse ncha li sa fihleloa le theko ea metsi e fokotsehile. Hape palo ea batho ba hlolehang ho patala mekoloto ea WASCO e tla eketseha ka lebaka la moruo o putlameng.

Lekhotla le etsa khoelehetso ea hore basebelisi ba litšebeletso tsa metsi ba patale mekoloto ea bona ea tšebeliso ea metsi ka nako e le ho thusa hore WASCO e tsoele pele ho fana ka litšebeletso. Lekhotla le khothaletsa hape hore basebelisi ba litšebeletso ba sebelise mekhoha e meng ea ho patala ba le hore le setsi sa WASCO moo ho khonehang, e ntse ele mokhoa oa ho fokotsa sekhahla sa tšoaetso ea COVID-19.